



Preventiv 2022 - 2. lectüra

In üna seguonda lectüra ha la suprastanza cumünala insembel culla direcziun operativa trattà detagliadamaing ils preventivs dal quint da success e dal quint d'investiziuns 2022 sco eir il plan da finanzas ed il plan d'investiziuns per 5 ons, dal 2023 fin 2027.

Deponias material da s-chav e deponias verdas Cumün da Zernez

L'Uffizi per la natüra e l'ambient (ANU) ha visità tuot las deponias da material da s-chav e deponias verdas sül territori dal Cumün da Zernez. In esit a quistas visitas haja dat davart da l'ANU diversas pretaisas cha'l cumün sto executar ed evader prosmaing. La suprastanza cumünala ha approvà la cuntinuaziun dal proget.

GFS Zernez - approvaziun analisa da privels Cumün da Zernez

L'analisa da privels per Cumün da Zernez ha pudü gnir serrada giò e cun quai ha il cumün uossa ün instrumaint per lavurar. Davo cha'l büro Caprez SA e l'Uffizi da militar e da protecziun civila han preschantà l'analisa es quella gnüda sancziunada.

Restructuraziun part locals forestal – dumonda da princip e surdattas

La suprastanza cumünala ha acceptà l'inizi dal proget per la restructuring dals locals forestals il edifiz da gestiun Cul. Inavant sun gnüdas surdattas las differentas lavurs.

S-chodamaint central Runatsch/Palü

In Runatsch/Palü, Zernez sun avantman las capacitats per ün schlargiamaint dal s-chodamaint central. Il gremi respunsabel ha dat glüm verda a quist proget uschè chi's po ir vi dals sclerimaints e detags definitivs.

Radunanza cumünala - tractandas definitivas dals 2 e 3 december 2021

La glista da tractandas per la radunanza cumünala dals 2 e 3 december 2021 es gnüda approvada. A quista radunanza vain preschantà principalmaing il preventiv dal quint da success e dal quint d'investiziun per l'on 2022.

Büro electoral per las votaziuns chantunalas e federalas ed elecziuns cumünalas dals 28 november 2021

La suprastanza cumünala ha elet il büro electoral per las votaziuns dals 28 november 2021. Al büro electoral fan part: Riet Denoth sco president, Seraina Bickel, Stefan Bühler e Corsin Scandella sco actuar.

Survista dals progets e da las pendenzas

La suprastanza cumünala ha discus sur da tuot ils progets e las pendenzas da mincha suprastanta e mincha suprastant. Uschè es la suprastanza orientada sur dals progets chi sun actualmaing in trais-cha.